

師金石遺文記

縣人武 億虛谷纂著

男穆淳愚溪校

韓甲辰太初採緝

周寅簋銘

佚

考古圖銘曰有進後雩邦人正之師氏人有皐有故西
馭服卽汝囙繇若卑復虐逐乃君乃師乃作予一人服
王曰寅敬明乃心用辟我一人善故乃友內辟勿事蠹
虐從獄受雜且行道乃非正命乃故疾譏人則唯輔天
降喪不亡惟死錫汝秬鬯一鹵乃芹芻赤湯醵軒朱輦

華號卮褰虎冕縛裏畫輔畫輦爵金甬馬四匹鑒勤敬
夙夕勿廢脫命寅拜稽首揚天子丕顯魯休用作寶簋
叔拜父叔故萬年子子孫孫永寶用

童鈺按偃師尸鄉春秋尸氏也水經注以爲王莽所
謂師氏莽意欲返古尸古得通稱如寅簋銘所謂師
氏人者蓋卽偃師人也

億

案尸鄉水經注據司馬彪郡國志以爲春秋之尸
氏也未嘗言王莽所謂師氏前書地理志唯載莽曰
成又不謂之師氏反覆尋校知以傳本譌舛強
皆不可從也又銘所載師氏人有鼻有故

皆不可從也又銘所載師氏人有鼻有故

名禮師氏掌以

人善証之師氏所職於義為協詩小雅十月篇
維師氏是其官在周之衰亦猶未改故當時寅為
此官而銘先書之是也寅簋舊器既佚後人惟據
相牽釋之文傳訛踵謬益失其實今槩不存錄亦非
疑以傳疑之義余姑仍府志所著附以辨証俟識者
擇焉

周劉公鋪銘

佚

考古圖銘曰劉公作杜孺尊鋪永寶用

童鉦案周靈王時有劉定公景王時有劉獻公此云劉公未審爲誰偃師有劉亭乃劉公采地也

億案左傳疏宣十年天王使王季子來聘傳稱劉康公來聘是王季子食采於劉遂爲劉氏據此劉康公當定王時又在定公前爲劉亭受封之始者童氏失引又括地志云劉聚卽劉累故城案累之後在周爲唐杜氏故劉公作杜孺尊鋪用以不忘其先是益非周之劉子矣如志所証恐未爲信也

漢何比干銅盤銘

佚

廟堂集古錄銅盤銘右林左泉後圖前道萬世之寧

前傳功鐘鼎款識言唐開元中偃師縣十人

此盤篆文甚奇古其釋文云左林右泉後國前道萬

世之藏茲焉是寶

康少山影抄本云開元四年游子武之奇於偃師耕耘獲一銅片盤形四

尺六寸上鏤文深二分其左右前後周道與泉並存唯林無矣考諸圖籍節此下之墓與舊式引作上人少異

金石文字記考張邦基墨莊漫錄曰政和間朝廷求

三代鼎彝器程唐爲陝西提點茶馬李朝孺爲陝西

轉運遣於鳳翔府破商比干墓得銅盤徑二尺餘中

有款識一十六字又得玉片四十三枚其長三寸許

上圓而銳下潤而方後半指玉色明瑩以盤獻之於

朝王留秦州軍資庫道君皇帝日前代忠賢之墓安
得發掘乃罷朝孺退出其盤其玉久在秦庫近年王
庶知秦州日取之而去祁寬居之嘗見之爲余言之
然則此碑之得自鳳翔不自偃師

郭庠伯金石史銅盤銘似非三代語第銘字頗類
南王故宮所出古戈銘而輒謂武王封比干墓抑何
據耶他如衡岳壇山比干季札墓題語書皆妄自附
會

按一統志及金石志以爲偃師有比干墓
比干墓者非殷比干乃漢何比干也偃師志

何比干汝陰人漢武帝時廷尉墓中以銅盤

何比干元中

何比干事附見後漢書何敞傳云六世祖比干
其帝時為廷尉正與張湯同時縣志引此脫正字敞
傳注引何氏家傳惟載為汝陰獄吏決曹掾後為丹
陽都尉又載本始元年自汝陰徙平陵家傳鋪揚事
跡容過其實而歷官占籍宜不致有誤是比干為廷
尉正果在徙家後上距張湯之自殺已四十一年焉
得同時兄先家汝陰後徙平陵其墓亦不當在偃師
皆主何氏之過也此意補自少山云

漢夷齊廟二碑佚

水經注首陽山上有夷齊廟前有二碑並後漢河南

尹廣陵陳導雒陽令徐循與處士平原蘓騰南陽何

進等立

漢蔡邕夷齊廟碑

後漢書五行志章懷太子注蔡邕作伯夷叔齊碑曰
熹平五年天下大旱禱請名山求獲答應時處士平
陽蘓騰字元成夢陟首陽有神馬之使在道聞覺而
思之以其夢陟狀上聞天子開三府請雨使者與
縣戶曹掾吏登山升祠手書要曰君脫我聖主以洪
澤之福天尋興雲卽降甘雨也

億

案水經注作處士平原蘓騰今章懷注依中郎碑
作平陽中郎在漢末所書宜可據

夷齊食其廂石人銘 佚

水經注陽渠水逕漢廣野君鄉食其廟南廟在北山
上成公綏所謂偃師西山也山上舊基尙存廟宇東
面門有兩石人對倚北石人胸前銘云門亭長

億案玉海云門亭長主州正門今兩石人對倚廟門
其銘義蓋本此

漢酈食其廟碑

佚

水經注石人西有二石闕雖經頽毀猶存丈餘闕西
卽廟故基也基前有碑文字剝缺不復可識子安仰
澄芬於萬古讚清徽於廟像文字厥集矣

司空密陵光侯鄭袤廟碑

佚

水經注王莽中亭卽緱氏城也休水屈逕其城西水之西南有司空密陵光侯鄭袤廟碑文缺不可復識

魏鍾繇墓碑

佚

天下金石志偃師有鍾繇墓碑

晉城門校尉昌原恭侯鄭仲林碑

佚

水經注休水西南有晉城門校尉昌原恭侯鄭仲林碑皇始六年立

童鈺按皇始乃秦苻氏健年號金石攷作秦始六年是

億案戴氏校定水經正作秦始六年童氏所據本乃

傳刻者誤也

舊銅釜銘

存八分書在韓甲辰家

太康三年八月六日右尙方造一升銅釜重九斤七兩

第一

億

案銅釜近自韓太初搆覓得之寺僧某與余向所

藏晉劉府君碑并爲縣金石之冠釜口兩旁有耳今


已損脫尙微有痕腹中起邊楞向下鐫銘凡二十三

字其云造一斤銅釜重九斤七兩推較今權量釜容

一斤當今官升二升二合重九斤七兩當今秤三斤

十兩按古權量大率皆以三而當一據此釜証之量

則以四升五合餘當今之一升權則以二斤九兩六錢餘當今之一斤歐陽集古錄谷口銅甬始元四年左馮翊造其銘曰谷口銅甬容十斗重四十斤以今權量校之容三斗重十五斤斗則三而有餘斤則三而不足與此可類舉也晉書職官志少府統材官校尉中左右三尚方自渡江唯置一尚方銘載右尚方正與史文合又斗作升漢碑刻如隸釋所載老子銘有升星字石門頌上順升極洪氏並云斗字亦可附証近閱禮器圖筮皆作敞口上寬下狹口上旁夾兩耳如俗甬高耳錯者得此筮証之蓋臆製也



汾陽趙敵繪匱

晉劉府君墓誌

存八分書在武億家

晉故使持節都督青徐諸軍事征東將軍軍司關中侯
劉府君之墓君諱韜字泰伯叔孝處士君之元子也夫
人沛國蔡氏

億

案誌向爲土人掘井出之已二十餘年仍棄置一
民家乾隆癸卯余自杏園庄假之而歸石以今尺量
度不過二尺餘上銳下齊作圭形無年月可考字皆
完好無缺晉碑世不多有而此誌尤喜爲余得獨不
渝毀亦其有幸不幸與劉君官不爲卑然於功狀之
無所鋪叙古人之不溢美尤爲可愛如此誌所言圖

中侯之金石錄晉光祿勳向凱碑有

守鴻臚關中侯隸續音有

將軍鄭烈碑賜子一人爵關中侯與此符合或曰關

中侯卽關內侯之異文余謂不然魏書置名號侯爵

十八級關中侯爵十七級皆金印紫綬又置關內外

侯十六級銅印龜紐墨綬五大夫十五級銅印環紐

亦墨綬皆不食租與舊列侯關內侯凡六等

見三國志注引

晉書武帝紀五等之封皆錄舊勳本爲縣侯者傳封

次子爲亭侯爲鄉侯爲關內侯亭侯爲關中侯然則

既有關中侯又置關內侯其爲二爵顯然而世多混

同爲一此古制之存愈以失考也又晉書苻堅載記
馬建降於苻遂攻據害之及其軍司席勒碑軍司之
名同此誌石出自杏園墓亦當在是然無可尋矣

陳龍正家矩誌石耑防發掘須令易見若準家禮合
字於背外用鍊束是掩之也雖掘者見石何由知爲
某塚而遽歇手乎冀其斷鍊開諦察詳觀抑又難矣
宜仰字於面但以輓覆之離壙前數尺淺埋之案此
石由掘井始出土蓋卽當日誌墓之石埋於壙中者
制亦如漢碑式而形制特小直不復用輓輟之家矩
以意爲之者更有據也禮家宜倣爲後人埋銘定式